

榴經堂類藁

稿經堂類葉卷第三

晉江陳慶鏞頌南撰

奏疏

條陳錢鋪關閉疏

掌陝西道監察御史臣陳慶鏞跪

奏為滙陳京城現在緊急情形請

旨下詔安民仰祈

聖鑒事竊賊匪自武昌竄入安慶京中民心紛紛日甚一日又久未奉

上諭江南勦賊情事外間訛言日起民情更覺驚惶自二

月初間內外城錢鋪關罷者每日有五六號或十餘號不等及令一日有罷至四五十號查銀價數日前每兩換制錢二千一二百文繼則每兩換制錢一千六七百文日內止換一千餘文甚至有銀無處可換而各處典鋪多止典聽贖至於油米雜鋪價值亦一時昂貴旦夕頓異萬姓駭然似此情形實屬可虞臣惟小民貿易多資於錢而少資於銀銀無可換錢將何給計都城食指無下數百萬嗷嗷待哺惟錢是賴萬一罷市宵小之徒即刻生變其禍有不忍言者應請

旨迅速下詔安民

諭令步軍統領衙門及順天府五城如何設法出示明白
曉諭務須照常交易不得任意關罷庶足以定民心
而固

國本臣因時事孔急據實奏

聞伏乞

皇上賜速施行謹

奏

咸豐三年二月十六日上 是日奉

上諭前因軍務河工用度浩繁經內外大小臣工條陳等

款事宜凡有可採擇或須斟酌之件當交部臣詳議並須廣為諮詢者特交大學士九卿會議以聞總期有利無弊國計民生均資裨益其不可行者當經部臣奏駁或奏上時朕洞鑒其弊特旨停止近日戶部請飭京師商賈捐輸布疋泰德璜前後奏請酌議商稅黎吉雲奏請按戶輸錢雖為急籌國用起見惟思京師商賈資本不盡充裕且有在本籍業經捐輸者至各省錢糧地丁並徵著為定例若再按戶徵收事繁重科且恐吏胥滋擾重累吾民朕夙夜思維無濟時艱徒妨政體甚無謂也近來中外臣民呈請捐輸助餉者絡繹不絕朕復躬

行節儉自可漸冀充盈何必偏事搜求致令愚民轉生
疑惑本日據禮部尚書奕湘內閣學士孫銘恩左副都
御史文瑞給事中吳廷溥御史長秀陳慶鏞編修卓樞
具奏京城內現在商民情形各摺所稱銀錢鋪戶現多
關閉或係無業之徒布散謠言藉端滋擾或奸商乘機
歇業貽累他人亦恐因時議捐商稅等餉道路傳聞以
致羣相疑懼朕念切安民豈可令京師首善之區商民
棄業所有布彥泰德瑛黎吉雲徵收鋪銀計戶收錢等
摺片及戶部勸諭商賈各條均著毋庸置議其餘交議
之件亦著該部斟酌利弊分別妥辦至鈔法由來日久

本朝初年亦行之近日諸臣紛紛陳請此時原以濟國
用之不足既非廢銀用鈔亦非責商繳銀部庫出入通
行不令稍有畸輕畸重總當行之久遠俾天下咸知鈔
為國寶與銀錢並重部庫收發一律既足示信而祛疑
而民間以漸而通亦可利用而行遠仍著戶部妥議速
行其各銀號錢鋪所用私票仍令照常行用如有造謠
生事當須禁止民間錢票及以鈔發商勒令繳銀等說
者該該營地方官立即嚴究造謠之人拿獲懲辦並著
步軍統領衙門順天府五城即行出示曉諭京城內外
居民各安本業毋得聽其浮言自相驚擾倘有不法匪

徒行使假粟糾約多人喧鬧店鋪恃衆嚇詐搶奪昏夜
擁擠不散者該地方文武衙門立即嚴拿送部加等治
罪其錢鋪無端關閉有心詎騙查明拿獲從重懲辦並
將保人一併照例懲治庶足以儆奸蠹而靖閭閻銀米
皆民間日用所需二者均重京城東接通州因每年漕
船抵壩恐有回漕舞弊例禁糧米出城其內城前三門
原不禁其出入近聞米價稍昂亦恐有妨民食著各該
衙門通行出示除照例立行查禁各門外其前三門毋
得禁米出城各鋪戶照常售賣並不得居奇致干法紀
又戶部現因外省撥款未能如期解到奏請將俸銀分

別暫停一年朕思王公大臣俸銀素優即暫停給發事
尚可行其文職四品以下武職三品以下各員仍著戶
部將本年春季暫停俸銀照數補行給領並著發內庫
帑銀五十萬兩交部庫收存以備支放俸餉並著步軍
統領衙門順天府五城將此旨刊刻徧行曉諭欽

請催海運北上疏

掌陝西道監察御史臣陳慶鏞疏
奏為糧米囤積上海請

旨飭下作速起運仰祈

聖鑒事本年江浙所徵糧米仍由海運而海運必由上海
配船查海船北上往年於二月間放洋及今各處防
堵事殷恐不能如期起運而百餘萬石之米囤積上
海上海距蘇州省城僅兩日程且一水可達其地奸
民多奉天主教向為英夷所指使現在逆匪攻陷江
甯萬一竄入蘇州勢必勾引上海奸民賊如狎至則

此百萬之米悉齎盜糧而借寇兵甚可虞也統計京倉所儲不過數衍至年冬若南運不到以京中數百萬生靈哀嗷嗷又將何賴應請

飭下漕運總督江蘇巡撫如沙船兌米已畢作速開行或一時未能收齊卽令隨到隨配毋得停留至於各處漕船如不得渡江一併

飭下其有可入海之處就地酌量配搭陸續由海輓粟飛寄若仍遇淮必須多催民勇沿途照料來通罔或疎虞如是庶可充

天庾而裕民生臣迂愚之見是否有當伏乞

皇上聖鑒謹

奏

咸豐三年二月二十三日上

旨留

謹撥重臣分駐皖省要害疏

掌陝西道監察御史臣陳慶鏞跪

奏為敬陳江北要害情形請

飭重臣分駐以埽妖膺以除亂萌恭摺仰祈

聖鑒事臣接讀邸報知奉

命前往安徽兵部侍郎銜周天爵工部侍郎呂賢基現在
皆駐宿州伏思皖省被陷江北府州縣咸仰周天爵
聲息望之如望歲唯駐宿州地處一偏恐難調度呂
賢基專辦團練亦當居中扼要急遣司員分督各路
不當與周天爵聚處偏隅且上次武昌失陷奉

上諭命署撫駱秉章擇荆襄之地辦事令新任安徽巡撫李嘉端未奉明文駐於何府官吏徬徨既甚兵民觀望尤殷臣竊謂三大員宜分駐要區互相犄角扼逆賊北犯之路莫要於滁州清土匪出沒之藪莫急於鳳陽匯全皖上下之勢莫大於廬州滁州環郭皆山關砦險隘城周九里四面為濠西障合肥北屏鳳潁控淮泗之咽喉東通六合南下和州制建康之肩背周天爵宜駐於此夫賊既得金陵必大股東犯維揚而分遣賊目北窺鳳徐其舒城陸路蕪湖水路皆可取道合肥以至鳳陽而賊既越安慶而東必不回

此路若自和州北來則有州西之斗焰關夾山關與
含山縣之東關昭關可守若自浦口北犯則有滁州
之清流關可守此數關者昔皆居南禦北今則反北
拒南周天爵既募勇二千截餉三十萬正可廣為招
募以數百人守一關足堵數千之賊況重山複嶺多
布疑兵賊之來也必非大隊豈敢越此而過如是則
鳳廬可保矣防堵既固然後進而與向榮大軍相應
或出賊之不備而潛師襲之或乘賊之方驕而棄利
誘之萬不失一則周天爵宜駐滁州便江北土匪蜂
起出沒在廬六滁鳳潁之間徽甯而下尚屬安靖則

圍練之法上游為急下游次之呂賢基素協鄉望以之保衛里閭當能得力然必居鳳陽以控制諸路南則指揮滁六北則屏蔽淮徐中馭蒙亳壽宿莫此為要若單守宿州恐鞭之長不及馬腹矧鳳陽一帶素多猾豪若非有威望鎮壓之不為功則呂賢基宜駐鳳陽便若夫扼江南之吭據淮右之要則在廬州明初曾設江淮行省於此城池深廣商賈殷闐為上江八府冠撫臣李嘉端有統馭之責宜暫駐該城集官吏招兵勇籌錢糧東應周天爵北翼呂賢基其安慶業經兵燹勢難居住仍留臬司在彼撫綏毋庸兼顧

且廬州距省不過三百六十里呼吸尚可相通文移亦無稽遲之弊則李嘉端宜駐廬州便抑臣尤有慮者自來滁州合肥為守江者所必爭逆賊雖入金陵而大隊居舟其志在于擄掠其鋒專向吳越富庶之區江路扼於向榮不能東下萬一棄舟陸竄轢滁廬踐鳳徐過河而北步步可虞臣以為今日防剿全局水陸並嚴東北交急未可稍分輕重日內恭讀上諭資調各省精兵星馳會合兩路併力進攻仰見皇上神謀周密布置咸宜唯辦理土匪兼勦逆賊兩非易事應令各大臣添撥兵勇協助周天爵與呂賢基李

嘉端剛柔相濟謀勇相資外防逆匪之竄入內剗奸民之勾應必使江淮北路無隙可乘而後向榮楊文定東剿方可得手若株守宿州一隅未為得也臣未履安徽地界詢諸鄉論參諸輿圖實為要害之地應請

飭下周天爵呂賢基李嘉端公同商酌自行審度形勢擇要而居相機而動即分駐三城地之相去或百餘里或二百餘里往返無難函商其有可採擇之處出自宸斷伏乞

皇上聖鑒謹

奏

咸豐三年三月三日上

旨留

新饒豫撫移兵會剿土匪疏

臣陳慶鏞片

奏再臣聞亡羊而補牢雖未晚也不如補於未亡之時
見兔而顧犬雖未遲也不如顧於未見之頃涓流不
塞將成江河粵西之已事然矣准北民氣剛勁土匪
潛滋已久一旦攘臂大呼其禍倍於粵逆聞周天爵
在宿州日計捕誅數十臣以為蔓草難圖莫若燎原
一炬揭竿之徒器械未備黨與未堅心膽猶怯見官
軍猶未敢顯然抗拒宜及此撲滅不宜姑息招撫自
貽後禍前次河南巡撫陸應穀防堵永州請調官兵

幾二千名嗣又奏籌防兵口糧夫因蟻蝨不逞之民而使鄰境裹糧坐甲曠日持久何若兩邊會剿一舉廓清周天爵如移駐滁州則滁全土匪無難即日殲除唯蒙亳一帶勢難兼顧可否仰懇

飭下河南巡撫陸應穀派員即督永州防兵會同呂賢基將鳳潁土匪儘數殄滅仍

飭周天爵派其麾下將官幫同一律迅掃其豫以南

命陸應穀督之其皖以北

命呂賢基督之周天爵通上下為兜剿以殺伐之功威望素著計不過旬月之久一鼓殲旃俾無遺種皖匪既

清豫匪自無勾串夫而後保甲可行圍練有效不
養癰貽患雖日掩捕其勢益橫適以驅逼渠魁速發
難耳臣愚以為非計之善謹就管見所及以効芻蕘
之獻伏乞

聖明洞鑒理合附片具

奏

咸豐三年三月三日同上

旨留

呈繳書函疏

掌陝西道監察御史臣陳慶鏞跪

奏為奏

聞事日內由都察院左副都御史雷以誠宅內家人齎到
書信一函內開係填鹽知事張翊國名字據稱曾侍
伊父來京與臣見面臣實不記憶即伊父何名臣亦
一時忘記所言南京於正月二十九日被圍賊營紮
在孝陵衛若有援兵早到無難解圍惜無人議及此
良為可嘆又正月十八九日有湖南人李廣到揚州
紳士江壽民家中口稱太平王威德到處若能恭順

必不加害江壽民隨令秀才黃森桂同常姓二人前往乞命二月初四日午刻江壽民遂具牛羊數十頭親往南京入賊營犒師如果實有此事雖為萬姓生靈計而開門揖盜以衣冠而奉逆賊天地所不容神人所共憤實堪痛恨至張翊國所著防河節略其語氣頗有敵愾同仇之意但未素識為人實不敢冒昧保薦其單開所舉能堪團練各處於河南有劉玉紀馬國升孟老天程天祿柴蘭楊天衢吳子重於山東有胡冠軍楊朝選於安徽有郝顯揚高鴻達陳二秀於江蘇有方景伯包錫英賈天才張殿英陳鴻緒陳

王衡呂祥呂三德李廷獻河南一帶則林縣張鴻達
可以統之江南一帶則宿遷揀選知縣臧紆青前任
漕標守備黃晉可以統之內惟臧紆青素有韜略昔
年來京臣曾見一面其餘皆未盡知現在正是用人
之秋可否

飭下周天爵楊殿邦就近察訪即將張翊國節略內所開
名氏按名令各該地方官查覆如實在可用准令立
堡以作為鄉團是否有當恭候

聖裁臣以事關軍國重大不敢壅於

上聞謹將原書二紙及節略一本一併封呈

御覽伏乞

皇上聖鑒謹

奏

咸豐三年三月三日上

附張翊國原信

再啟者南京于正月二十九日被圍賊營紮在孝陵
衛于今五六日尚未攻城想係大隊未至此時外有
援兵不難解圍真好機會而無議及此者可為長嘆
姪所有保衛節略各件如蒙

上達將姪奏交楊漕帥並差遣委用庶可稍盡愚忠大帥

領軍萬民逃竄揚州失守即在日前姪戰而不勝將
撤兵河上奮臂一呼旬月之間必可得衆數萬然形
迹之間措置少不合宜即為不忠不孝之人現在揚
城百姓富者早已搬去其不搬者皆係窮民皆不願
官兵打仗守城免受殺戮揚州鄉勇之中惟姪之衆
日夜効練以打仗為事燈節以後常有本地人來勸
姪不可打仗如打仗是于本地人為仇等語更可恨
者正月十八九日有湖南人名李廣者到揚州紳士
江壽民家中口稱關切揚城百姓而來時值江壽民
外出次日遣其子回拜見李廣其人身長面白微鬚

年約四十以內盛言太平王威德到處不肯殺戮揚
城百姓如果恭順必不加害等語壽民即差秀才黃
森桂同常姓二人前往乞命此事府縣皆知置之不
問可恨

清朝二百年來深恩厚澤盡培養此等禽獸可為之痛哭
流涕現在賊趨東南勢如破竹以姪觀之猶如釜底
之魚無能為也如果

聖上能破格用人東南一帶姪必可以恢復然有許多要
件非面陳不可祈老伯暨諸公將各件代姪

上達可否均望示知以速為要又及

又風聞鎮江揚州各許送銀四十萬賊匪不收據云
俟到南京兩府如果恭順即將銀送至南京楊漕帥
來揚張本府即將此事稟明並帶領江壽民上船見
漕帥以為甚善各等語今年江壽民具牛羊各數十
頭親往南京入賊營犒師為揚城請命事已如此我
們言戰之人豈不枉費心力只好北面痛哭而已
防河節略

竊聞任大事者網羅人才即服人心為第一要務當
今形勢逆匪既渡長江黃河乃京師最要關鍵而守
險又非土著不可現在自河南太行以來黃河兩岸

下至淮揚東西二千餘里其間忠義之士人心素所
悅服者甚多或為紳士或為布衣當此軍書旁午無
人收而用之實非

國家之利謹就管見所及擇其尤為著名者為大人敬
陳之河南省則有劉玉紀馬國升孟老天程天祿柴
蘭楊天衢吳子重等山東省則有胡冠軍楊朝選等
安徽省則有郝顯揚高鴻遠陳二秀等江南則有方
景伯包錫英賈天才張廣英陳鴻緒陳玉衡呂祥呂
三德李廷獻等黃河兩岸四省之中最著名者不下
數十百人請大人不分畛域請

旨勅下各省巡撫或籌款撫而用之或行文各地方州縣
設方以羈縻之使能盡入干城之選不至人心向隅
別生事端則造福無窮實

國家之大利也所有年貌住址開列于後一并恭呈

台覽

河南

劉玉紀 年五十四歲 衛輝府新鄉縣人 住馬國

升卦

年八十一歲 河南南陽縣人 住孟老天 年卅九歲 河南封邱縣人 程天祿

年五十一歲

河南南陽縣人 柴蘭 年四十一歲 河南南陽縣人 楊天衢 年四十歲 河南太康縣人

縣人

吳子重 年五十一歲 河南南陽縣人 山東胡冠軍 年四十歲 山東單縣人

縣人

楊朝選 年三十歲 山東武生 安徽郝顯揚 年三十歲 安徽懷遠縣人 武安

監生高鴻逵

年二十八歲
安徽靈璧縣人

陳二秀

年四十歲
安徽泗州人

江

南

方景伯

年五十歲
安徽宿松縣人

包錫英

年三十歲
安徽海州人

生家維

年六十歲
安徽西縣人

賈天才

年八十歲
安徽品海人

張殿英

年四十歲
安徽江南人

邳州陳玉衡

年四十歲
邳州人

呂祥

年六十歲
江南人

呂三德

南餘州人

李廷獻

年四十歲
江南人

河南一帶

有林縣紳士

張鴻逵

可以統之

山東一帶

有武監生

劉長恩

可以統之

江南一帶

有宿遷候選

知縣臧紆

青前任

漕標守備

黃晉

可以統之

請飭幹員勦辦漳泉土匪疏

掌陝西道監察御史臣陳慶鏞跪

奏為漳泉會匪滋事請

旨飭調幹員以資剿辦事竊福建漳泉會匪沿習已久咸
豐元年正月間臣奏

聞在案經前任廈門道張熙宇辦理迅速得以隨時撲滅
士民翕服該道旋升任別省善後事宜未克一律周
妥茲者賊匪分擾海澄安溪同安廈門等處其為舊
灰復然已可概見恭讀

上諭令張熙宇赴閩差遣洵足以慰民望第由皖到閩尚

需時日恐緩不濟急伏查臺灣道徐宗幹前在汀漳
龍道任內政聲卓著至今民猶思之地方情形尤所
熟悉辦理械鬥屢次得力應請

飭下署閩浙總督王懋德由臺飭令來漳幫辦防剿計水
程數日可到雖臺灣亦屬要地權其緩急自應調回
防剿以期迅速旅事免致蔓延並請

飭下安徽巡撫李嘉端催令張熙宇兼程前進毋稍遲延
該二員為漳泉士民素所畏服民之望之如望歲一
則勸諭紳耆捐輸團練可期得手一則解散逼脅良
民人易信從以之剿撫洵屬有神尚有已革知府王

光鐸前在汀州泉州永春各任所辦盜匪頗有成效
又降調知縣吳金華曾任海澄長泰永安等縣所至
民情愛戴之二員者用其所長當能感奮出力現在
是否在閩

飭該署督查明委用至於在籍紳監有晉江人丁拱辰著
有演礮圖說一書制度極為詳密臣嘗見其書其人
亦頗有韜略且丁姓聚族而居數萬計招集鄉團尤
屬易舉可否

飭下該署督訪傳差委出自

聖裁臣為剿辦會匪需人起見敢冒昧瀆陳是否有當伏

乞

皇上訓誨施行謹

奏

咸豐三年五月十九日

上留

奏繳時事說部疏

掌陝西道監察御史臣陳慶鏞跪

奏為奏

聞事臣近得江南人寄到哀江南總目提要一本閱其書
雖近於戲所言皆賊匪近日情事仰懇

聖明洞鑒萬里軍營日報營無不知唯細微曲折之處或
有語焉弗詳軍中之事所見異辭所聞異辭所傳聞
異辭皆未能確鑿但以江南人說江南事恐言之者
必非無據其中有弃城逃走者有奮勇直前者有擁
兵自衛者或經辦或未經辦朗若列眉

皇上幾餘之暇隨時披覽或可以得其人之賢否知其心
之偽誠漢臣何休公羊傳注曰案見善行賞則衆譽
不能進無功案見惡行誅則衆讒不得退無罪以此
旌別淑慝詢之於萬民百不失一觀之於實事千不
失一衷之於

宸斷更萬不失一孔子言舜好問而好察邇言是亦芻蕘
之一助也臣因關係

國事謹將原底恭繕一通封呈

御覽伏乞

皇上聖鑒謹

并

附抄哀江南總目提要前編六十回

書目為江蘇人所編皆按每日探報所聞者撰為說部其書未之見僅見其目如此

恩總兵慷慨投江

陸制軍倉皇回省

恩三鎮臺為制臺驚隊開炮受傷事急報江陸制臺尚
江到江甯此處沿江兵不能固守城潰散已安

洪賊帥楊帆赴皖

楊中丞運炮入城

城下不能運江順流赴安慶蘇撫楊令沿江失守炮為賊有

三百里棄餉走舒城

五十賊借梯破安慶

走安撫將賊至安慶向民借梯踰城而入僅五十人遁
祁方伯嘔血禦賊匪 祥將軍揮涕留撫臺

卒楊撫因憂憤起病賊將至力疾登陴禦賊血
乘小舟黑夜潛逃 架大木白門失守

賊至江甯掠江中留木排繫梯上開城門將潛走鎮之江

及愛妻劉使君殉節 陷危城福提督捐軀

江甯劉先及愛妻等巷戰自死上

死亂兵陸督逃國典 拘難婦洪賊閉鄉關

賊以陸督時已革拿乘小橋將逃出不殺此久已無所殺
已此二月丙午督署逃出兵房所傳也賊將所掠
婦女二月丙午督署逃出兵房所傳也賊將所掠

怕防堵運司何所司

想遁逃太守不能守

運司劉奉命防堵揚州賊至江甯不知遁逃何處蘇

燒房屋火光燭天

殺男女哭聲動地

賊縱火燒街署民房甚多不計其數燭天

土匪乘機搜寶貨

逃兵沿途造謠言

逃兵到處紛紛遣徙土匪乘機劫奪

失京口署督遁江陰

棄揚州漕師奔袁浦

鎮江未陷之前署督已駐艇船賊至交戰不利遁

裝昏暈聯藩告病

徙眷屬倪臬被衆

賊未至江甯聯方伯于公局中詐為瘋癲告

豫太守徽服借靴

熙淑人改妝裹足

江府之妻微服潛逃中途為漢執人往混入署民婦內

羅賊目豎旗收貢

顏委員奉札獻銀

賊嚙遇蘇勿擾直下杭有顏充委員奉司
陷鎮江堅黃濟上書奉命收貢蘇州官紳糾銀
賊

設印
法札
保以
護生
蘇札
民云
事為

嘑邪經崇奉天主教

開空炮嚇走地方官

每出必飯
賊來經賊

向軍門大隊抵金陵

勝閣學偏師復浦口

勝二閣學及五陳曰提向督帥大銳兵師到饒江至寧收復外浦人口城稍堡定

連奇謀行文麗閉結

知大義送米效涓埃

解帥方急界督忽各六百里通防各屬停止

纔下馬出示安民

先驅牛入城探路

賊向掘埔地即示安民向帥城

吳道臺請募洋鬼子

楊賊帥乞靈樟柳神

樟柳神凡事聽其指使奉

聞風聲各城罷市

趁地震連夜鑒兵

餘三月中旬蘇常各屬罷市天

洪秀泉佔據督署

楊文定等候夷船

洪等賊佐督署築圍牆高七呎署督楊在江

開城門救出數萬衆

破賊寨連燬十三營

向帥屢戰屢勝救出難民
無數連燬賊營軍威大振

匿如皋胡道買妾

竄泰壩粵匪裝官

賊鎮道胡道至如皋以數千金買妾
賊裝向營差官探路至泰壩被獲

發軍前嚇短漕知縣

登銀數請管帳先生

州縣請人不覺清者悅所藩銀發緊要軍前
楊秀清請人不覺清者悅所藩銀發緊要軍前

寵小兵武奔爭風

選美女逆首漁色

軍務緊時有二武弁爭一小兵持
刀相向賊目在鎮江選美女廿四人

裸婦女城頭魔炮

殺工匠地底埋雷

賊驅逐婦女裸臥城頭以魔炮向營大砲向營亦令
男子露勢以拒之賊役工匠埋地雷殺之滅口

堅子領兵紮黃緞

革員降賊著紅袍

賊榜一付城上甚寵紅袍執旗黃緞令統童子軍有之

貪賤米被脅黨頭陣

送小菜免死給腰牌

賊賣賤米誘人入城數日後買米者多悉開城內

結同盟不論祖孫父子

出偽示要買雀鵠鵠鷹

示賊招買祖孫父子皆稱兄弟賊于鎮江出

破土城琦善忌功

阻文報魏源革職

城因琦所築土城已為我兵攻破勝陳二帥即欲進

特

批呈詞惱羞變怒

具公啟情急求援

界督在江陰兵勇上岸不許擾紳民呈請移節署州

江陰均有公事于向帥所統者多各營皆須臨其地
告求援揚州大兵組琦所統者多各營皆須臨其地
止全進

勝閣學拔幟先登
琦都統擁兵不進

揚州破土城後又進攻以兵力勝不仗勝已督兵入土城將
進大州城琦擁兵不進以兵力勝不仗勝已督兵入土城將
奮殺琦帥赴揚州不助剿已進城會難出

遣小兒敲鑼擊鼓
驚冤鬼擲瓦拋磚

賊聲勢小兒頭紫紅巾驅上城拋磚賊甚驚駭以

好兄弟典司戶口冊
大頭目押載銀米船

賊將鎮江鋪所掠銀米貨物裝船運江寧

李陵衛和尚遭殃
鎮江城都天顯聖

人顯和尚聖土必殺賊每見青面紅

林太史募勇屯要隘

鄧提軍分兵扼下遊

江蘇太史文忠公子鄧提軍

排土偶執長柄燈籠

紮木城嵌空心酒甕

內鎖江賊抬各廟神像上城將外長柄燈籠插其手

用補劑醫死蕭朝貴

遺孽種託孤楊秀清

賊目蕭朝貴貴在鎮江犯瘧延醫王百川診治王故用

楊秀清楊奉為贖病王

向少君奪回遊擊屍

鈕知縣監斬總兵首

出有一帥率陣亡向少君帶兵深入重圍奪屍而

督官兵奮身死戰

糾義勇捉賊活埋

賊千餘據至向少君奮身力戰率眾與門搥賊營數座斬

民當受傷六人

昧天良織造當兵

伸國威游戎伏法

江甯織造被賊捉住當差乘機逃出泰州

張都司手及長髮賊

和總鎮統帶紅毛兵

都司張而出江甯城內點放賊炮被賊驚覺手及長

賊

維揚賊假作人頭

勾容令幸全虎口

揚州賊用子桶假作人頭露堆外扮賊守城句容離江甯甚近賊片刻可到幸而無恙

丹徒女開親受辱

紅橋賊入贅被擒

賊目以選刺之女分配賊兵名曰開親賊目卞玉賢至揚州紅橋贅親被縛斬于署督水管

穿紫袍跣足騎馬

戴藍頂雞頭坐轎

賊穿紫袍赤脚騎驟忽在鎮江城內第皇奔走賊戴頂刺頭至東壩探路被兵勇盤獲

張郡侯逃回護道

羅同知捉住當差

常府張自鎮江失後出署潛逃聞向兵到江甯撥兵來常府于丹陽接兵差同回府城遂護道印江甯有羅

姓同知在賊營當差

黑龍江兵偃旗不戰

儀鳳門賊返炮內轟

賊以儀鳳門一帶黑龍江兵不防塔截殺任伊徑過致

傷賊及百姓千餘

會匪填壕屯北固

艇船下旋等東風

賊填鎮江城壕與北固山相連屯兵固守艇船非有東風不能擊賊

埋竹簽奸謀可惡

插桃葉妖術不靈

賊于城內埋竹簽以防官兵突入賊令婦人飲符水即持刀殺人以惟插桃葉者不敢殺

爭先手署督効逃官

學梳頭賊婆求難婦

江蘇文武逃官署據實揭發賊婆見勢日盛學城中婦女梳頭並云城破求其携帶

脅難民象山脚築壘

扼要路龍潭口駐師

鎮江城外有象山龍潭在句容向少君駐此防賊東竄

廣艇乘風放火箭

大營連日造雲梯

四月一乘順風入擊焚燬賊船無算每次百餘隻數十隻不等向帥令造雲梯備攻城之用

但見腦大為賊笑

敢留髮扮作女裝

鎮江人為賊所擄漸與熱悉問賊有何道法賊笑曰並無道法官兵遇我即逃但見其腦賊屢扮女裝作

奸查細報

怕火攻垛口藏身

被風吹旂角裹項

賊懼官兵炮攻藏身垛內江甯賊執旂指揮被風吹旂裹項就擒

攻秣陵一身獨任

駐邗江三帥不和

逆首任江甯向

新制臺從容駐蘇省

偽丞相吹打出揚州

怡制臺到蘇駐胥門外公館數千放炮無動靜偽丞相胡偽副相林鼓吹坐轎率賊數十放炮無動靜偽丞相而過琦帥猶在夢中並不派兵截殺至儀六告警始効浦口防堵領兵官以該不過賊遂竄接洲鳳一帶矣

蘇撫焚香祝仙蝶

土人哄賊吃刀魚

有蝶集撫帥營帳上疑為太蝶仙然焚香祝曰去則去不去則不吉祝畢而去有鎮江人為賊所擄欲逃則賊令其招賊致曰不應強而後行遂逸去

張太守欲釋放奸細

馬提軍請寬免脅從

常州獲賊十人張守恐為賊脅從欲釋放紳士不可乃解赴蘇馬提軍請宥兩湖賊脅從開其自新之路

湖南苗偷割小麥

江北賊竄擾全椒

鎮江城內有湖南苗匪數十出城偷割民麥兵至適入城中揚州竄出之賊由滁擾全椒

盼擒渠速除妖孽

願奏凱共樂昇平

咸豐三年七月十六日上

青留

條陳閩省賊匪情形疏

掌陝西道監察御史臣陳慶鏞跪

奏為敬陳福建賊匪情形恭摺仰祈

聖鑒事竊臣籍隸福建據鄉人陸續書來悉賊匪情勢其

下游一帶賊首一為同安錦宅人黃姓偽旂書寫漢

大明天德殿前統兵大元帥一為廈門港仔口人洪

姓偽旂書寫大明天德殿前二公司自四月初六日

海澄發難所至地方文武聞風逃遁空城以待故賊

得從容佔據初八日旋攻漳州府城初至猶不擾百

姓數日後肆搶陳光遠綢緞鋪復戕害汀漳龍道文

秀紳民以該道素得民心乃共起義憤將城門柵欄
齊閉巷戰鬥格共殺賊一千餘人賊始行退出繼復
大隊來撲我城適天大雷電以雨賊之火鎗盡溼弗
克破居民續斃賊一千有奇四月十二日賊駕五蓬
船三十隻犯廈門官兵因上年多預入小刀會至是
並為內應賊一來開門直進如入無人之境十四日
署水師提督施得高督戰於鎮南關遊擊鄭振纓死
之廈門之破也同安縣知縣李湘洲聞信即行退走
匿大學鄉李姓村中尋賊分二千人攻同安搶掠去
後該縣紳士乃查訪擡回進城請團練鄉勇查同安

西界多半從賊其往攻廈門則海澄之三都龍溪之廿八都廿九都及同安之橫林鄉灌口鄉積善里潘頭官浔所在皆有所恃者同安東界及馬巷之民尚知向義為官出力賊在廈門糧食乏絕強派居民有數十金者勒數十金有數千金者勒數千金凡稍有富名需索殆盡其在前興泉永道張熙宇任內幫辦獲匪之紳士尤被荼毒靡有孑遺慘何可言廈門為福建全省菁華商賈輻輳現在地方文武辦理尚得機宜當早已廓清如有餘蠹應令選擇負望紳士召募馬巷一帶義民得三四千人一從劉五店徑渡五

通一從同安前往官潯到處諭以利害許以自新有
改悔從善者即令該鄉耆出結為官兵嚮導一鄉進
一鄉步步為營層層收復仍一面知會各水師撥下
兵船駛入廈港賊聞風股慄必逃回海澄三都同安
積善里一帶而去即有梟獍敢來抗拒者亦第椎牛
屠沽之輩敵不過同安馬港之勁旅也賊至三都等
處仍令紳士勸諭如前法三都唯邱姓林姓最雄二
姓若下餘必望風披靡積善里則前有包齊二社素
不相能當與紳士言明令其往包社則說齊社已反
正往齊社則說包社已反正彼此本相疑忌自必爭

先恐後如是則下游可得而平也其上游一帶賊匪大都起於邵武建陽順昌崇安將樂沙縣之間而屯於九龍山傳聞賊首姓洪有三點號其暗號則舉手不離三開口不離俺已歷有三十餘年後改為紅黑扣其青衣用紅扣其白衣用黑扣又改為紅錢會用康熙年間錢式將字上刀刻三畫朱其中每會則云往朱家吃了沙去其暗號則以髮辮為記凡上午則辮辮左上右落凡下午則辮辮右上左落約計此匪不下五六千人其小會曰燒紙每月一會約數百人或千人小頭目主之每人出錢二百文飲酒拜會而

散其大會曰坐臺每年一會搭高臺一座用刀把門
大頭自主之初入會者出錢一千以鉞刺臂血於酒
飲之而去其偽官曰督撫曰都督名目不一鉞板令
則打仗者也草鞋令則報信者也過江龍則大小偽
職執照名字者也汀州復有江湖會約數千人其會
則烹羊宰牛演戲如坐臺上年拏獲會目周用稍斂
跡今著名有廖彥如充當縣役仍在上杭峯市盤踞
科斂客稅本年廣東賊匪竄擾上杭武平一帶遂與
延建各匪相為犄角其在邵武入會者則與江西甯
都賊匪嘯聚於長汀瑞金交界之黃竹嶺查江西餘

匪尚多萬一勾連尤成滋蔓福建陸路提督炳文尚在延平應將九龍山賊窩圍住兜剿仍知會各鎮屬相賊所在到處搜獲毋使復出跳梁如是則上游可得而平也至臺灣於五月初間賊起十二日賊攻臺灣府城至城下駕梯而上城內竟不之覺適商人登城瞭望乃大聲疾呼糾人拒守幸商郊調集各船戶水手每船得二三十人共有千餘人合民勇數千立殺賊醜五六百名臺灣府知府裕鐸亦聞信趕至手刃數賊賊始退聞此次軍餉不接由該府自出家財及金器首飾一切變賣助餉商郊各幫復鳩集銀三

萬以為軍營要需臺船到天津皆言地方官令有出力者各免挂號費商人喜悅在天津亦議勸船商按貨抽分捐餉現在鳳山惟遊擊曾玉明守住火藥局被困而救兵為賊截斷尚未得到聞賊旂號皆寫大昌天德殿前元帥其賊目林許為渠魁復有吳姓在鳳山為之主謀有王姓在臺灣為之主謀二者皆冒號偽軍師臣惟臺米為閩省民食所仰資稍有蠢動米舶即不得通內地哀鴻嗷嗷既易為亂而籌餉養兵更多棘手查該處有在籍前任禮部員外郎鄭用錫候補主事施瓊芳候補道林國華道職林占梅若

以之團練勸諭當能得力伏懇

皇上特加之以獎勵沛之以

恩施不必多縻

國帑以該地之捐項作該地之軍需以該地之義勇捕
該地之盜賊一鼓作氣無難就擒臺灣平則內地蕩
綏之後自不至再生厲階臣以風聞所及謹陳其事
如右不勝冒昧之至伏乞

皇上聖鑒謹

奏

咸豐三年七月十六日上

旨留

九月十七日奉

上諭御史陳慶鏞前經陳奏閩省情形皆係是時急務並非空言著回籍辦理團練各事宜欽此

保舉軍營差遣片疏

臣陳慶鏞片

奏再臣前奏晉江紳監丁拱辰頗有韜略可用查其人
前經廣西軍營調赴差遣既而未果行現在尚寓廣
東可否

飭下福建巡撫王懿德行文廣東飭令來閩差委如福建
業已告平即令速赴江甯向榮大營察看酌用并飭
該紳監將所刻演礮圖說及火攻之法則克錄等書
呈繳在京巡防王大臣閱看如有可採取之處擇善
而從理合附片謹

奏

咸豐三年七月十六日同上

旨留

臣陳慶鏞片

欽定四庫全書

南數十城居民紛紛遷徙日夜不休風雨不避民情
大亂大員出示安民民皆不信山東省城居民為之
一空旋據各處確查逆匪破歸德後遲往西行並未
渡河且河中亦無船隻惟有難民駕一小船當過渡
時因人多船小中流漂沒而北岸並無一賊曹縣並
無募勇與賊接仗之事曹州鎮總兵三星保署曹州
府知府博文查訪亦無其事該縣始因希圖冒功吞
餉捏報繼知事已敗露乃轉懇該署府為之掩飾似
此喪心昧良罪何可逭應請

飭卞山東巡撫從嚴查辦無任欺飾以儆官邪以正吏治

是否有當伏乞

皇上聖鑒謹附片具

奏

咸豐三年七月十六日同上

旨留

回籍辦理團練恭請

聖訓疏

掌陝西道監察御史臣陳慶鏞跪

奏為額請

宸訓恭摺仰祈

聖鑒事本月十八日內閣抄出奉

上諭御史陳慶鏞前經陳奏閩省情形皆係是時急務並非空言著回籍辦理團練各事宜欽此聞

命之下不勝悚惶伏念臣自道光三十年蒙

恩召赴來京以御史起用旋補江西道監察御史轉掌陝

西道監察御史履事以來涓埃未報茲復奉

派辦理本籍團練自顧軀材恐弗勝任惟有勉竭駑駘趕
赴到閩隨時察看情形與在籍紳民協力同心以保
里閭以安良善期無負

高厚鴻慈於萬一所有微臣感激悚惶下忱理合繕摺恭
請

皇上訓示謹

奏

咸豐三年九月十九日上

會同五城籌議巡防事宜疏

巡視中城 臣鳳保等跪

為先事預籌以安民心恭摺奏祈

聖鑒事竊逆匪竄入直境現有官兵勦捕不難即日殲除
惟愚民無知未免惶惑必須嚴查內奸方足以資鎮
定謹擬條款伏候

聖裁

一挑河夫役衆多宜責成工頭約束以便稽查也現當
開工挑河所僱夫役大半外來無業遊民日間作工
夜間沿街棲止巡夜官役盤查總以挑河夫役為辭

是否屬實無從辨認且聞該處夫役有編入號者有不編入號者其編入號者尚有姓名可稽其不編入號者則姓名不知來去無常最易藏奸因思此項人夫既以挑河傭工即可就近約束請

旨勅下監工大臣督飭承辦人員責成工頭編查實在人數設法安置毋令散處街市致難稽查

一添派員升分查各門以專責成也京城內城九門外城七門早晚啟閉之時出入擁擠人數衆多難保無奸宄混入查各城門口本有駐門千總專司盤詰惟兵數無多誠恐不敷彈壓請

旨勅下該管大臣酌添門兵及武職効力人員駐門稽察
責令叅游都守等官前往督率以專責成並請添派
滿漢大員嚴查以資彈壓

一城門內外以及大街酌添柵欄以資捍衛也查前三
門外惟各衙門設有柵欄其城門口內外以及大街
向來亦有設立但行人任意驅馳莫能阻擋地方偶
遇失火等事倏集多人乘機肆鬧易滋事端現當稽
查喫緊之時自宜按段層層布置以資嚴密擬請於
各城門內外均添柵欄一二層又於大街酌量地勢
各添四五層由臣等分段籌款修造責令兵丁一律

嚴守以資保衛

一城外鋪戶住戶宜按段令其守望相助以資保護也
查五城門牌現已清查十家一牌互相稽察平素氣
誼相通惟現值賊匪竄擾不啻惶惑若使其彼此聯
絡則聲勢自壯擬於各段各無衙鋪戶住戶按照門
牌各派定一人平日仍各安其業偶遇一戶有盜火
等事該處衆戶羣起救援既足以濟兵役之不及亦
可免人心惶惑衆志既固不俟內奸之竊發也
一巡察章程實力奉行也道光五年奉

上諭京師係輦轂之地司坊捕役額設無多而南營弁兵

星羅碁布果能實力稽查何至宵小溷跡等因欽此又
欽定臺規內載步軍統領衙門每汛每夜輪派千總等十
員各帶兵捕在本汛巡查又叅將守備每夜二員查
東三汛游擊都守每夜二員查西三汛每五日東西
挨查一次仍不時密派司員筆帖式於關城時出城
抽查又中城副指揮吏目及四城吏目督率捕役分
段巡查每月逢五逢十文武會哨均經遵照在案現
當巡查喫緊之際自應加倍認真由臣等行知南營
弁兵實力奉行如有疎虞即遵前

諭旨嚴叅懲處以戢奸宄而靖閭閻以上各條均為嚴內

奸社外匪起見是否有當伏乞

皇上聖鑒訓示遵行謹

奏

咸豐三年九月初六日

會同五城請揀雜職人員疏

巡視中城臣鳳保等跪

為請添派人員以資差委事竊臣等於五月內曾經
奏請添揀司坊各員稽查地面仰蒙

允准在案現當巡防喫緊之際挑挖城河設立柵欄事務
較繁實在不敷差遣相應請

旨飭下吏部於候補候選佐貳佐雜內不論何項班次揀
發五城各五員以資辦公並請

飭下吏部迅速揀發給予執照飭令各員於揀發之次日
到城嗣後如再有需員之處請即向部咨取臣等為

委需人起見是否有當伏乞

皇上聖鑒施行謹

奏

咸豐三年九月初七日

劾大臣統兵逗留片疏

臣陳慶鏞片

奏再琦善之為

欽差大臣

皇上於琦善所需兵餉皆如所請為琦善者苟念

國事之急感

生成之恩宜何如激發天良圖蓋前愆乃自京至南陽已

曠日持久而抵應山復又深居簡出遲遲吾行

皇上諭旨嚴明疊催前進而琦善徒挾精兵厚餉以便其

翱翔自適之心伏讀正月二十五日

上諭賊匪已逼皖省該大臣自豫起程亦屬遷延必須兼程馳赴賊匪所在地方儘力追剿等因又讀正月二十九日

上諭安徽省城失守琦善赴援已遲若再坐擁重兵遷延觀望朕亦惟有執法從事決不姑寬等因仰見

聖明洞鑒萬里知琦善意侈體汰不改故常所以訓誡之者甚殷不料安慶已陷江甯復失而琦善之兵尚不知逗留何處本月十七日恭奉

上諭江甯省城失守南望增悲若使援兵早到何至旬日之間遽行失守等因欽此屬在臣民無不痛恨孤城援

絕致誤事機念江甯上自官僚下及士庶何止數十萬口兼以駐防二百年生齒日繁不知凡幾一旦盡經灰燼道路涕零不堪回首豈九江安慶之失琦善獨可置身事外而所奉

諭旨皆若罔聞知耶現今江甯之陷又及半月不聞設法恢復即向榮陳金綬素稱勇略近亦未見接一仗加一矢恐其中或受牽制互相觀望亦未可知

皇上愛民如子執法如山亟宜

簡派大員慎選素有韜略者代領其衆將琦善撤回仍飭向榮陳金綬迅速進兵以圖恢復毋使虛糜數百萬

帑項坐擁六七省精兵視民之死而莫之救也臣不勝
激切悚惶之至伏乞

宸斷施行謹附片具

奏

稽查甲米疏

稽查甲米御史臣德雲臣陳慶錦疏

奏為循例具

奏事竊臣等奉

命稽查甲米四月分裕豐倉開放正黃旗大檔甲米所有

本月十五日以前進城米數業經臣等

奏明在案茲於十六日起至二十五日止接查放過米

二萬六千九百八十八石零再查太平倉放過本年

春季分西四旗三品以下官員俸米三萬九千七百

七十四石零臣等查覈各該旗所報冊檔並照各佐

領圖片倉票查對與該二倉逐日片報進城俸甲米
各數目均屬相符按車探驗亦無弊混理合按旬恭
摺具

奏伏乞

皇上聖鑒謹

奏

咸豐元年四月二十九日

陳奏泉州守城獲勝疏 未上

辦理福建團練前掌陝西道監察御史臣陳慶鏞跪
奏為逆匪撲城我師三獲勝仗賊已退回恭摺奏

聞仰慰

宸懷事竊臣於咸豐三年冬奉

旨回籍辦理團練各事宜四年春抵家適逆匪林俊竄擾
晉南惠仙臣即隨處聯莊搜捕事竣蒙

恩賞戴花翎涓埃未効竟邀非分之榮寤寐難安維時急
欲回京供職因染受勞濕未克起程由督臣奏請復
蒙

皇上天恩准其開缺自維草茅下士屢荷

鴻慈逾格捐糜莫報仍力疾購緣設法以期罪人斯得乃
查訪年餘迄無定蹤本年三月間突有用黃紙名印
書寫林萬青三大字到各村莊勾結黨匪並有偽示
署英烈王三千歲林名目貼洪瀨地面人謂當是林
俊探知之下臣即力請在事文武先發制人冀消患
於未萌無如籌費維艱事難迅舉乃從緊設兵添勇
上城堵禦四月十四日卯刻賊果由西北方來撲泉
城東北隅紛紛駕雲梯而上已有登堞者賴兵勇奮
臂而呼鎗炮齊施登時割取首級三顆遂隨跳城而

下生擒魏全一名追殺十餘里擊斃數十人奪獲雲梯三十餘張偽旗器械無數賊遂潰散十六日寅刻賊復傾竄而出迫近城下者約五六千人其餘紛來當至四山皆是圍攻西新東北四門所賴文武協力同心上城堵禦臣一面上城一面飛催各鋪戶抽丁應援闔城婦孺亦皆登陴守禦敵愾同仇諭令每家熬粥犒師並飛函經南城外令各郊商募勇速出由新東二門橫截夾攻一時礮石雨下聲震如雷自寅至辰賊猶不退我師乃開東門衝出合城外壯勇一齊追擊乃望風而走有踏死者有轟撲者事後查西

門擊斃賊匪有蘇冒蘇玉二大股首係南安霞舒鄉人而北門所擊皆南安四都王姓不識名合共斃賊約六七十人十六夜黃昏賊復自朋山嶺蜂擁而來仍撲東北門並欲擡是日城下所擊賊屍我師奮然大振轟擊賊匪數十名因狂風微雨冒夜未便開城追殺持至三時之久賊始退去查林逆敗退之後復窺伺惠安向山仔邊田船等鄉派飯被民人擊殺而遁現聞林逆尚匿南安一帶內有偽軍師蔡桃本南安縣書吏與之同惡相濟此次攻泉乃出自蔡桃之謀其人亦在南安聲言欲勾結黨夥再行政城察看

情形必急用大兵攻勦兩逆方可殲擒惟匪類之鄉
滔滔皆是其中不無良民仍須善惡分明解散黨羽
庶所至民皆帖服而患可息矣臣魯鈍庸愚惟有竭
勉趨公稍有未見即與在事文武參謀細議斷不敢
稍耽安逸亦不敢稍避艱危至捐輸一著統捐有一
萬員銀左右以民捐民堵目前暫且支持恐後難為
繼臣在籍業經開缺例不得具摺然事重大且本係
奉

旨圍練加以身親目覩不能不據實陳明現在民心稍安
其搬出城外者漸漸搬回七城亦已全開生理頗稱

宗舊惟團鄉策禦衛城盤查在在均關緊要圍雖已
解賊氛尚未撲滅更不可不大為之防除飛報督撫
速調大兵進剿外謹摺仍由督撫代為附驛馳
奏臣不勝冒昧之至伏乞

皇上聖鑒謹

奏

咸豐七年五月初三日

再此三戰三捷仍係

關聖帝助戰登場時城上兵勇見天上有一片黑雲飛
刀而下而賊人亦見滿城燈火如市紅光獨往獨來

遂懼而走又泉州主山名將軍山查舊志載將軍帶
甲坐萬古不遭兵二句識語臣即於四月初一日虔
請神位在城中開元寺鎮壓傳聞賊人初到亦順途
往將軍山率賊夥禮拜因被風雨阻礙有稽約會一
時弗克齊到故我師得以制勝易云天之所助者順
也人之所助者信也仰見

國家洪福百神効順可否

賜以匾額出自

皇上天恩臣謹

奏

乞閩浙總督代謝

天恩狀

具呈候選光祿寺署正前任工科給事中陳慶鏞為
滙陳下忱呈懇代

奏恭謝

天恩事竊慶鏞於六月初二日在廈門書院奉

大公祖大人傳

旨來京等因欽此當將修墓未竣須俟七月中向前後方
能起行據實呈明在案茲於六月初十日由廈回泉
復蒙

面示轉准部咨奉

上諭大學士潘世恩保舉之前任雲貴總督林則徐戶部侍郎朱鳳標保舉之降調前任工科給事中陳慶鏞著迅速來京聽候簡用等因欽此聞

命之下感激悚惶莫知所措伏念慶鏞以海隅下士知識顛愚由道光十二年進士改庶吉士散館改授主事籤分戶部補授雲南司主事江西司員外郎洊升江南道監察御史掌浙江道監察御史轉工科給事中巡視東城任內因案降三級調用歸部銓選嗣以資斧不繼告假回籍自維疎庸獲咎莫由圖効兢惕時

深乃蒙

鴻慈逾格疊頒

恩命非分之榮既非夢寐所能及亦豈捐糜所能報理宜
遵

昔即日就道惟修墓實未完工勢難得半輒止現在加工
攢修務期迅速葺事一俟七月中旬前後即當束裝
起程斷不敢稍為遲緩所有感激下忱及赴京日期
理合呈請

大公祖大人先為代

奏恭謝

天恩伏乞

電鑒施行感勒無既

道光三十年六月

日呈

附閩浙總督代 奏回籍片疏

臣王懿德片

奏再 臣前奉

上諭御史陳慶鏞前經陳奏閩省情形皆係是時急務並非空言著回籍辦理團練各事宜欽此當經恭錄轉行欽遵去後茲據該御史于本年二月十九日行抵福州見臣面陳上年九月十九日蒙

恩召見即于十月初一日就道因通州戒嚴水路阻塞天津航海又無便舡遲延一月之久舍舟登陸從保定繞道南行至正月二十七日始到福建界浦城地方

沿途與建延各府紳士商議現擬遵

旨馳回泉州原籍會商紳耆招募民勇保鄉等語臣查御史陳慶鏞留心時事熟悉情形其所奏事宜洵屬地方急務茲奉

諭旨回籍籌辦勸諭稽查實心經理于團練捐輸大有裨益所有該御史回籍日期謹合詞附片具

奏

咸豐四年四月

日奉

硃批知道了

福建巡撫呂佺孫跪

奏為御史在籍患病懇請開缺調理恭摺

奏祈

聖鑒事竊掌陝西道監察御史陳慶鏞於咸豐三年九月
奉

旨回籍團練四年二月到籍適賊匪林俊竄入永春南安
一帶隨即馳赴各村庄編聯保甲勸諭團練地方賴
以鞏固嗣在惠安購線拏獲妖婦劉邱氏並在仙遊
購獲林俊逆黨鄭篤及著名股首唐文之弟唐綏先
後緝送各縣訊明懲辦在案茲據藩司慶端詳據泉

州府轉據該御史陳慶鏞呈稱該御史自回籍以來
協同地方州縣辦理聯甲團練以及謀擒逆首諸事
不敢稍遺餘力現在軍務告竣急欲回京供職惟因
上年週歷四鄉感受濕熱以致脾濕傷肝染成怔忡
病症現雖延醫服藥調治一時驟難痊可因思御史
有監察之責關係緊要未便日久懸曠懇乞詳請代
奏

皇上俯准開缺容仍力疾協同官紳辦理團練善後事宜
斷不敢稍耽安逸一俟病痊即行進京當差等情到
臣據此臣查該御史陳慶鏞既稱患病不能回京供

職自係實在情形可否仰乞

天恩准其開缺安心醫治理合會同閩浙總督臣王懿德
據情代

奏伏乞

皇上聖鑒訓示如蒙

俞允再當照例飭取該御史告病供結咨部辦理合併聲
明謹

奏